


Iroun Beretitenti Thomas S. Monson



# Kawaekoan te Mwakuri ni Kamaiu

Ko ataia ae ai 98 ana ririki ni maan te Ekaretia ae e a tia ni kaokaki imwaain ae e reke 100 ana titeiki? Ni kee iaan 30 te ririki imwiina, te Ekaretia e a tia ni barongai ana kauoua ni ka 100 n titeiki. Ao tii inanon wanua te ririki imwiina anne e a raka riki iaon 300 ana titeiki te Ekaretia. N te bong aei ti a karekea riki ae raka iaon 3,000 titeiki aika matoatoa.

E aera ngkai e riki te rikirake aei n te ware ae birimwaka? Ibukina ngkai a mwaiti aomata aika a ataa te Ekaretia? Ibukina bwa a raraoi ara umwantabu?

Bwaai aikai a bon kakawaki, bwa bukin ae rikirake te Ekaretia n te bong aei bwa te Uea e kamatata bwa e na bon rikirake. N te Doctrine ao Covenants, E taku; bwa E na kawaekoana mwakuri inanon taina.”<sup>1</sup>

Ngaira, ngkai naati tamnei iroun Tamara are i Karawa, ti kanakomaiaiki nakon te aonaaba n te tai aei bwa ti aonga ni ira te waaki ni kawaekoana mwakuri ae kakannato aei.

Te Uea e bon aki, n aron ae I ataia, e kamatata bwa Ana mwakuri e tii kabaeaki nakon te maiu aei. N oneanmwini anne, Ana mwakuri a irekereke ma bwaai aika akea tokia. I kakoaua bwa E kawaekoana mwakuri n te aonaaba n tamnei. I kakoaua naba bwa te Uea, rinanoia Ana toro ikekei, a katauraoia tamnei aika mwaiti bwa a na butimwaea te euangkerio. Tabera bwa ti na ukoukouria ara mate ao imwiina ti na nako nakon te tembora ao ni karaoi otenanti aika tabu bwa a na kairaki naake a mena riaon te rabuna ni karekei taai ni kakabwaia aikana ti a tia naba ni karekei.

Ni kabane Aomata aika Itiaki ni Boong aika Kaitira aika raoiroi n te aonaaba n tamnei a tabetabe, e taku Beretitenti Brigham Young (1801–77). “Tera ae a bon karaoia ikekei? A taetaekina te euangkerio, a taetaekina te euangkerio n taai nako, ao ni katauraoa te kawai ibukira ni kawaekoara mwakuri ni katean taian tembora ikai ao n taabo nako.”<sup>2</sup>

Ngkai, te mwakuri n rongorongan te utu e bon aki bebete. Ibukimii ngkami aika roko mai Scandinavia, I tibwaua aron tabeaiangami. N aron te katoto, ibuakoia au bakatibu n Sweden, aran tibu te unimwaane bon Nels Monson; aran tamana bon tiaki naba Monson ma bon Mons Okeson. Aran taman Mons bon Oke Pederson, ao aran tamana bon Peter Monson—e a manga oki naba nakon Monson.

Te Uea e kantaningako ao ngai bwa ti na ukeuke ma te botumwaaka ibukin rongorongoia ara utu. I taku bwa te moan bwai ae ti riai ni karaoa raoi iai ara mwakuri e na iai iroura Tamnein Tamara are i Karawa. Ngkana ti maiuakina ae raoiroi n aron ae ti ataa aron maiuakinana, E na kauka te kawai ibukin kakoroan bukin taian kakabwaia ake ti botumwaaka ni ukoukori ma nanora ni koaua.

Ti na bae ni karaoi kairua, ma akea mai buakora ae e na kona n rang ni mwaatai n te mwakuri n rongorongan te utu n ae e na aki moa riki bwa te tia moan waaki. Ai ngaia are, ti riai ni botumwaaka ni karaoa te mwakuri aei, ao ti riai n tauraoi ni kaitarai kaangaanga [inanon karaoakina].

Bon tiaki aio te mwakuri ae bebete, ma te Uea e a tia ni mwiokoiko bwa tabem, ao E a tia ni mwiokoai bwa tabeu.

Ngkai ko karaoa te mwakuri iaon rongorongan te utu, ko na kuneo bwa ko a rinanon kaangaanga (are e tukiko man karaoan te rikirake ni mwakuri iaon rongorongan am utu), ao ko na kangai ni bon nakoim, "Ai bon akea riki te bwai ae I kona ni karaoia." Ngkana ko a roko n te aekaki n iango anne, katorobubua iaon bubuan waem ao butia te Uea bwa e na kauka te kawai, ao E na kauka te kawai ibukim. I kakoaua bwa e bon koaua aei.

Te Tama are i Karawa e tangiriia Natina ake n te aonaaba n tamnei n aron mwaitin tangiram irouna ao ngai. Ni kaineti ma te mwakuri ibukin kamaiuaia ara mate, e taku te Burabeti Iotebwa Timiti, "Ao ngkai oin ana kantninga te Atua e kawaekoaki ibukin kakoroan bukiia, ao bwaai ake a taekinaki irouwia burabetti a korobukiia, ngkai e a tia ni kateaki uean te Atua iaon te aba, ao kaokakin bwaai n aron teia ake ngkoe, te Uea e a tia ni kaoka te beku aei ma te kakabwaiwa nakoira."<sup>3</sup>

Ni kaineti ma ara bakatibu ake a tia ni mate n akea aia atatai iaon te euangkerio, e katanoata Beretitenti Joseph F. Smith (1838–1918), "Rinanon ara kekeiaki ibukiia te tiein are a kabaeaki iai a na bwaka mai iaoia, ao te rotongitong are a katobibiaki iai e na kaitiakaki nako, bwa te ota anne e na raneanea iaoia ao a na ongo n te aonaaba n tamnei bwa e a tia ni karaoaki te mwakuri ibukiia mairouia natia ikai, ao a na kimwareirei ma ngkoe ni karaoan beeku aikai."<sup>4</sup>

Bon mirion mwaitiia naati tamnei iroun Tamara are i Karawa ake a tuai man ongo aran Kristo imwaain mateia ao a nako n te aonaaba n tamnei. Ma ngkai a tia n reiakinaki taekan te euangkerio ao a tataninga te bong ngkana ngkoe ao Ngai ti na karaoa te kakae ae kainnanoaki ni kaitiaka kawaia bwa ti aonga ni kona n nako n ana auti te Uea ao ni karaoa te mwakuri ibukiia ake a bon aki kona ni karaoi i bon ibukiia.

Tariu ao mwaaneu, I kakoaua bwa te Uea e na kakabwaiaira ngkai ti butimwaea ao ni kaeka te kakawaenako aei.

## REIREI MAN TE RONGORONGO AEI

Iangoa te karaki ae mamatenanom iai man rongorongan am utu ao tibwaua te karaki aei ma naake ko

kawariia. Ko kona ni kabonganai titiraki aikai n aia mwakoroataei man aia Rongorongo Moan Beretitentii (iteraniba 6) ni kaungaia naake ko kawariia n tibwauai aia karaki. Iangoa warekan Doctrine ao Covenants 128:15 ao maroroakina kakawakin karaoan otenanti n te tembora n tei ibukiia ara bakatibu.

### BWAI AIKA A NA TARAKI

1. Doctrine ao Covenants 88: 73.
2. *Reirei mairouia Beretitenti n te Ekaretia: Brigham Young* (1997), 280.
3. *Reirei mairouia Beretitenti n te Ekaretia: Iotebwa Timiti* (2007), 409.
4. *Reirei mairouia Beretitenti n te Ekaretia: Joseph F. Smith* (1998), 247

## RORONRIKIRAKE

### I Kona ni Kukurei ni Karinakin aara?

Iroun Emma Abril Toledo Cisneros

Ira waakin ana kouru ara titeiki ni karini aara aika 50,000. N te moan tai ao e bon kaangaanga. Ni bwaai tabeua aika riki bwariko n ara ake I karekei a aki ota raoi manin korobokia are a na kona ni warekaki, ao n tabetai I tangiria ni kani kaokia ao ni karekeia teuana ae kaokoro. Ma imwiina ao I a kunea bwa ngkana ai aroia aomata ake a karini mwiin aia aara a iangoia n arona anne, bwariko aikanne a na bon aki mwannanoaki ni karaoaki ni karokoa are a karaoaki n te kabane. I kona ni iangoia aomata ake a kateiraain n tataninga n te aonaaba n tamnei, ao I baireia bwa N na waaki nako ni kataia ni wareki aara akanne ao ni koroi n akea te kairua teutana naba ae e na riki.

I reiakinaki bwa N na tangiriia aomata akanne (akan a karini araia). I ota raoi bwa a bon rang ni kainnanoa buokaia, ao ti kainnanoa naba te ibuobuoki mairouia. I matata raoi bwa ana babaire ae kororaoi te Tama are i Karawa bwa aomata a riai ni mwannanoaki raoi n aei. Ngkana ti ira aia kairi ao aia kaetieti Ana tia kairiiri aika a tia n rineaki, ti na kakoaua Ana nanoanga ao ana tangira ae akea tiana.

Karinakin aara bon te taneiai ae kakukurei ibukiu. I reiakinaki bwa N na kawakin ao n tangiri bwaai aika mwaiti ibukin rongorongan te utu. I karekei naba bwaintangira man bwaai aika kakawaki aika kakannato mairoun ara Uea man te ongeaba n tabetai bon teuana te bwai ae bebete n aron karinakin aara.

E maeka te tia koro karaki i Veracruz, Mexico.

## Reiakin Karaki man Rongorongan am utu.

**A**m karo ao tibum a mwaiti mwamwanangaia—  
tabeua mwanangaia aika ko aki te roko n atai!  
Tabeua aia karaki ko na bae ni ngare iai, ao a kona ni  
buokiko ni karekea am onimaki iroun te Tama are i  
Karawa. Ma ikawai naba a namakina te mama n taai  
tabetai. Kabonganai titiraki ake a na buokiia n uringi  
tabeua man aia karaki aika a mamate nanoia iai ao  
koroi ke koroi taian tamnei ibukin aia kaeka.

1. Tuangai teniua am ururing aika a rang ni  
kakukurei.
2. Tera am tai ae te kabanea ni kamaama?
3. Tuangai te bong are l bungiaki iai.
4. Tera ae ko tangiria ni kan karaopia ngke te ataei  
ngkoe?
5. E kanga n reke am koaua ibukin te euangkerio?

© 2014 iroun Intellectual Reserve, Inc. A bane n tauaki mwiin taian  
kariaia ibukin katootongana. Boretiaki i USA. Kariaiakaki n te Ingiriti: 6/14.  
Kariaiakaki rairana: 6/14. Rairan te *First Presidency Message, June 2014*.  
Kiribati. 10866 859



# Ana Mwakuri lesu Kristo ae Tabu: Te Tia Ibuobuoki

Tataro muaaka ibukin te beeба aei ao ukoukoria bwa ko na ata te bwai ae ko na tibwauaia. E na kanga ataakin maiun ao mwiokoan te Tia Kamaiu ni kakorakora am onimaki Irouna ao ni kakabwaiata naake ko tararuia rinanon te kakawari n reirei? Ibukin rongorongona riki tabeua, nakon reliefsoociety\_lds.org.

*Aio mwakoron Rongorongan te Kakawari n Reirei are e kaota mwakoron ana mwakuri te Tia Kamaiu.*

**N**gkai ti ibuobuoki ibukiia tabeman, ti riki bwa taan irira Iesu Kristo aika koaua, ake a tia ni katea te katoto ibukira. E taku Beretitenti Thomas S. Monson said: “Ti kato-bibiaki irouia naake a kainnanoia te buoka. . . Bon ngaira bain te Uea ikai iaon te aonaaba, ma te mwikoaki bwa ti na beku ao ni uotiaa rake natina.”<sup>1</sup>

E reirei Linda K. Burton, te beretitenti ni kabuta n te Botaki n Aine: “N irianaki ma te kataneiai, ngaira n tatabemaniira nako ti kona n riki n ai aron te Tia Kamaiu ngkai ti beku ibukiia natin te Atua. Ni buokiira raoi [n ibuobuoki ibukin] temanna ma temanna, I kan maroroakin aura taeka aika a na uringaki: ‘Te moan taraiia, imwiina karoa te beku.’ . . . Ngkana ti karoia, ti kawakin ara berita aika tabu, ao ara mwakuri n ibuobuoki, n aron Beretitenti Monson, kakoauan ae ngaira ana reirei te Uea.”<sup>2</sup>

Ti kona n tataro ni katoa moningabong ni kinai taai ni kakabwaia ni beku ibukiia tabeman. “E na kairiiriko te Tama are i Karawa, ao anera a na kataia ni buokiko,” e taku David L. Beck, te

beretitenti ni kabuta ibukiia Kairake n Ataenimwaane. “Ko na anganaki te mwaaka ni kakabwaiai maiu ao ni kamaiuia aomata.”<sup>3</sup>

## ***Man Koroboki aika tabu***

Mataio 20:25–28; 1 Nibwaai 11:27–28; 3 Nibwaai 28:18

## ***Man Rongorongora***

N te maungatabu ni kabuta ae boo n Okitobwa 1856, Beretitenti Brigham Young (1801–77) e katanoata bwa bwaeoniia ma aia aenikaa a tabe n rinanon te United States (nako Utah) ao aomata nako a na ibuobuoki ni ikotii bwaaibukiia n te tai ae waekoa. E koroboki Lucy Meserve Smith bwa aine “a butii aia kunnikai [kunnikai n aine aika bubura], titaokin, ao bwaaibukiia nako ake a kona n anga, ikekei inanon te Tabaenaeko, ao ni kauataoi [bai-kanne] inanon te waekon ibukin ououtakin bwai.”

Ngke a moanna n roko taan kamaiuaki aika bwaeoniia i Salt Lake City, e koroboki Lucy, “I tuai ni uota riki ae batii . . . kakukurein te mwakuri are I a tia ni karoia inanon maiu, n aron ae iai namakinan te katiteuanaaki ibuakoia aomata. I a bon tii nakon te titoa ni kaoti baike I kainnanoi (bwa I aonga ni buokiia

**Onimaki, Utu, Buoka**

bwaeoniia ake a na kamaiuaki), ngkana bon te kunnikai ae I kainnanoia, ao e na iaatinaki te kunnikai anne, e koreaki, ao I anganaki n akean boona.”<sup>4</sup>

Beretitenti George Albert Smith (1870–1951) e taekina te ibuobuoki ibukiia tabeman: “Kukureira ae akea tokina e na boraoi raoi ma te kawai are ti kabanei nanora iai ni buokiia tabeman.”<sup>5</sup>

## ***Iangoa Aei***

- 1. E kanga te tataro ni kairiira n riki bwa bwaaibukiia ni mwakuri ni bain te Uea?**
- 2. E kanga te ibuobuoki ibukiia tabeman ni buokiira ni kawakin ara berita aika tabu?**

## **BWAI AIKA A NA TARAKI**

1. Thomas S. Monson, “What Have I Done for Someone Today?” *Liahona*, Nobembwa. 2009, 86.
2. Linda K. Burton, “Te Moan Taraia, Imwiina karoa te Beku,” *Liahona*, Nobembwa. 2012, 78, 80.
3. David L. Beck, “Your Sacred Duty to Minister,” *Liahona*, Meei 2013, 56.
4. Lucy Meserve Smith, n *Naati Aine n Abanueau: Rongorongan ao Ana Mwakuri te Botaki n-Aine* (2011), 36–37.
5. George Albert Smith, n *Naati Aine n Abanueau*, 77.